



Broj/Broj: 03/1-50-1-9-23-5/08

Sarajevo/Capajevu: 23. 6. 2008. godine

-Članovima Zajedničke komisije za odbranu i sigurnost BiH

PREDMET: Informacija o sastanku članova Zajedničke komisije za odbranu i sigurnost sa šefom misije EUPM-a u BiH, Vicenzom Coppolom

Trećeg juna 2008. godine Zajednička komisija za odbranu i sigurnost održala je sastanak sa šefom misije EUPM-a u BiH, generalom Vicenzom Coppolom. Uz gospodina Coppolu, delegaciju misije EUPM-a su činili još i Alma Ahmedbegović, Palmer Kilig, Vesna Willis, Simoneti Sibah i Fatima Miletić.

Ispred Zajedničke komisije sastaku su prisustvovali Branko Zrno, predsjedavajući Zajedničke komisije, Šefik Džaferović - prvi zamjenik predsjedavajućeg, Slobodan Šaraba, - drugi zamjenik predsjedavajućeg, Adem Huskić, Mirko Okolić, Ivo Miro Jović, Hazim Rančić i Dušanka Majkić - članovi Zajedničke komisije, Dragica Hinić - sekretar, Željko Grubešić - stručni savjetnik i Jovica Katić - stručni saradnik.

General **Vicenzo Coppola** je tokom razgovora naveo da je Misija EUPM-a u BiH podržala nedavno usvojene zakone koji se odnose na reformu policije u BiH, ali da njihovo usvajanje predstavlja tek početak ove reforme, s obzirom da sada počinje implementacija ovih zakona. Na tom putu EU neće odustati od svoja ranije postavljena tri principa. Naveo je da Evropska misija u BiH svoju buduću strategiju temelji na dva koncepta: usaglašavanja, odnosno harmonizacije postojećih zakonodavstava i koordinacije postojećih policijskih struktura. U tom smislu naveo je da u Federaciji BiH postoji 10 kantona koji na različite načine regulišu oblast policijskih struktura u njima. Iz takvog zakonskog uređenja ne vidi se jasno lanac zapovjedanja unutar ovih struktura, a također nije jasno definirana ni uloga vlada pri imenovanju policijskih komesara. Stoga je EUPM napravio nacrt zakona o unutrašnjim poslovima kantona u Federaciji BiH, u kojem su ukazali na ove probleme i predložili način za njihovo rješavanje. Ideja ovakvog zakona je da vlada bude ta koja će imenovati komesar policije, kako bi se stvorila njegova odgovornost prema vladi. Također, komesar policije bi imao na raspolaganju i određeni dio novčanih sredstava u budžetu, koji bi on lično kontrolirao. Ovim bi komesar u velikoj mjeri direktno kontrolirao i rad policije. Time bi mu se dao i određeni veći stepen nezavisnosti u radu, te umanjilo političko uplitanje u rad policijskih struktura. Ideja nacrta ovog zakona predočena je komesarima policija i premijerima vlada u kantonima u Federaciji BiH. Oni su podržali ovakva rješenja, ali nije postignut dovoljan stepen konačne saglasnosti, s obzirom da su premijeri istakli da im za to treba podrška vlasti sa viših nivoa. Gen. Coppola je naveo da je tekst ovog zakona apsolutno u skladu sa evropskim principima, te pozvao članove Zajedničke komisije za odbranu i sigurnost da podrže nacrt ovog zakona.

Branko Zrno naveo je da se ovde radi o konkretnim izmjenama i dopunama postojećih kantonalnih zakona, kako bi se rješile sistemske razjedinjenosti koje postoje kod definiranja pozicija policijskih

komesara, ministara unutrašnjih poslova i vlada kantona. Kod ovog zakona presudnu bi ulogu trebala imati struka, a ne politika.

Hazim Rančić ocjenio je kao zabrinjavajući stav generala Coppole koji je u svom obraćanju naveo da EUPM, ni nakon više do deset godina od završetka rata u BiH, ne vidi kome komesar nekog kantonalnog MUP-a odgovara, naročito ukoliko se uzme u obzir činjenica da je upravo međunarodna zajednica u BiH bila ta koja je nametnula ovakav princip vlastima u BiH. Naveo je da nije upitno političko nemješanje u rad policijskih struktura, kao i da neko ko prema tome treba biti profesionalac za svoj rad mora imati i određena finansijska sredstva. Ipak, onaj ko dobije ta finansijska sredstva treba i odgovarati za svoj rad i to diektno građanima, a ne snositi odgovornost indirektno, preko ministara unutrašnjih poslova. Naveo je i da ovdje ipak postoje određene kontradiktornosti između tri principa koje predlaže EU i rješenja koja su u ovom nactru zakona ponuđena od strane EUPM-a.

Članovi Zajedničke komisije za odbranu i sigurnost potom su zahvalili generalu Vicenzu Coppoli na prezentaciji nacrtu ovog zakona i stajalištima koje je iznio u ime EUPM-a. Istaknuto je da su članovi Komisije izlaganje u vezi s ovim zakonom primili k znanju, te će se oni njeni članovi koji dolaze iz Federacije BiH, po njemu oglasiti i pokušati reagirati u svojim sredinama kako bi ubrzali i dodatno usmjerili proces njegovog donošenja.

Predsjedavajući
Zajedničke komisije
Branko Zrno